

**Arkiv:** <arkivID><jpID> FA-C00, TI-&13  
**JournalpostID:**  
**Sakshandsamar:**  
**Dato:** 12.04.2021

Saksframlegg

Saksnr.	Utval	Møtedato
018/21	Eldreråd	19.04.2021
022/21	Råd for menneske med nedsett funksjonsevne	19.04.2021
021/21	Ungdomsråd	19.04.2021
018/21	Utval for oppvekst, kunnskap og kultur	20.04.2021
	Alver kommunestyre	

### **Oppretting av prisar til kultur, idrett og frivilligheit i Alver kommune - NY BEHANDLING**

#### **Rådmannen sitt framlegg til vedtak:**

Alver kommune innførar alternativ 4 - kulturpris og frivilligpris, slik det går fram av rådmann sitt framlegg.

Prisane skal delast ut første gong i 2021.

#### **Eldreråd 19.04.2021:**

##### **Handsaming:**

Eileen Feste-spesialkonsulent for kulturutvikling, idrett og frivilligheit orienterte i saka.

I tillegg til rådmannen sitt framlegg til vedtak (alt. 4 - kulturpris og frivilligpris) vart det i eldrerådet også sett fram alt. 1 i saksutgreiinga til avrøysting (tre prisar - kulturpris, idrettspris, frivilligpris).

Seks medlemmar røysta for alternativ 1 - sett fram i møtet (Jostein Dale, Randi Eknæs, Sigurd Knudsen, Einar Lygre, Reidun Taule, Kirsti Gjetle Floen).

Rådmannen sitt framlegg (alt. 4) fekk 3 røyster (Olav Steinsland, Torhild Skage Syslak, Mabel Johansen) og fall.

Eldrerådet støttar dermed alternativ 1 - med tre prisar (kulturpris, idrettspris og frivilligpris).

##### **ER- 018/21 Vedtak:**

##### **Uttale frå eldrerådet:**

Eldrerådet støttar alternativ 1 for oppretting av prisar i Alver kommune.

#### **Råd for menneske med nedsett funksjonsevne 19.04.2021:**

##### **Handsaming:**

Ingen merknader, samrøystes.

##### **RMNF- 022/21 Vedtak:**

Ingen merknader.

#### **Ungdomsråd 19.04.2021:**

##### **Handsaming:**

**UR- 021/21 Vedtak:**

UR støttar rådmannen sitt framlegg til vedtak.

UR ber kontaktperson for UR om å sjå på moglegheit for oppretting av eigen "Ungdomspris - frå ungdomsrådet".

Samrøystes

**Utval for oppvekst, kunnskap og kultur 20.04.2021:****Handsaming:****Framlegg frå Jostein Borlaug-Ap**

Alver kommune innførar alternativ 1 - kulturpris, idrettspris og frivilligpris. Prisane skal delast ut første gong i 2021.

Framlegget fekk 3 røyster og fall (Jostein Borlaug-Ap, Sølvi Vatnøy-Krf, Anna Nordlund-SV)

Rådmannen sitt framlegg vart samrøystes vedteke.

**Tilleggsframlegg frå Laila Bjørge- Sp:**

Tillegg til vedtak om kulturpris. Det vert utdelt kulturpris for både 2020 og 2021

Framlegget vart samrøystes vedteke.

**OKK- 018/21 Vedtak:****Innstilling frå OKK - 20.04.2021:**

Alver kommune innførar alternativ 4 - kulturpris og frivilligpris, slik det går fram av rådmann sitt framlegg. Prisane skal delast ut første gong i 2021.

Tillegg til vedtak om kulturpris. Det vert utdelt kulturpris for både 2020 og 2021

**Politisk handsaming**

Saka skal til uttale i ungdomsrådet, eldrerådet og råd for menneske med nedsett funksjonsevne.

Saka er sendt til uttale også til idrettsrådet og kulturrådet.

Saka skal til innstilling i utval for oppvekst, kunnskap og kultur

Saka skal avgjerast i kommunestyret

**Bakgrunn**

Saka var til behandling i OKK 10.11.20, men vart utsett. Saka vart sendt på ny høyring til frivillige lag/organisasjonar i Alver kommune 22. februar med høyringsfrist 19. mars 2021. Saka vart også lagt ut på Alver kommune si heimeside og gjort kjend i sosiale media.

Alver kommune skal ta stilling til om det skal innførast priser innan kultur- idrett og frivillighetsområdet.

Utval for oppvekst, kunnskap og kultur hadde saka til behandling 10.11.20. Saka vart utsett.

**OKK- 064/20 innstilling:**

Utval for Oppvekst, kunnskap og kultur utset saka, og ber administrasjonen om tilleggsutgreiing på om ein av prisane bør vera uttrykk for Alversamfunnet si høgaste utmerking. Dersom det er kulturprisen som skal vera den høgaste utmerkinga, så må innhaldet i kultur- og frivilligprisen også vurderast.

**Saksopplysninger:**

Dei tre kommunane Radøy, Meland og Lindås, hadde ulik ordning med pristildeling.

Kommune	Kulturpris	Idrettspris	Frivillegris	Merknad
Meland kommune	Kvart 4. år			Årleg tildeling av «kulturrosa»
Radøy kommune	Årleg tildeling	Delt ut annakvart år	Årleg tildeling	

Lindås kommune	Årleg tildeling	Lindås idrettsråd delte ut pris årleg	Frivilligsentralen delte ut pris årleg	
----------------	-----------------	------------------------------------------	-------------------------------------------	--

### Mål for utdeling av priser

Alver kommune har eit aktivt organisasjonsliv med stort mangfold. Mange ulike lag innan kultur, idrett og frivilligheit gjer ein stor innsats. Felles for desse er at dei legg ned ein betydeleg grad av frivillig innsats for å bidra til å gjere Alver samfunnet til eit godt sted å vere.

Alver kommune ønskjer å innføre ein prisordning som ei anerkjenning for aktiv innsats innan kultur-, idrett -og frivilligheit.

**Det kan synes som om dei mest nytta prisane i kommunal kultur- og idrettssektor, er følgjande;**

**Kulturpris:** Ein kulturpris skal vere ein inspirasjon for einskildpersonar, lag og organisasjoner innan kulturfeltet.

**Idrettspris:** Som kulturprisen skal ein idrettspris vere ein inspirasjon, for utøvarar, trenarar og eldsjeler.

**Frivilligpris:** Ein frivilligpris skal vere ein inspirasjon for ein person eller ei gruppe som har gjort ein særskild frivillig innsats over fleire år, uavhengig av om det er innanfor kultur, idrett, helse- eller humanitært arbeid.

Kommunane praktiserer prisordninga på ulik vis. Nokre kommunar har fleire prisar, mens andre har berre ein pris.

### Nokre døme frå kommunar i Vestland

Kommune	Pris	Merknad
<b>Stord kommune</b>	<b>4 prisar</b> 1.Målpris 2.Eldsjelpris 3.Seniorpris 4.Pris for god tilgjenge	3. Seniorprisen - Prisen vert gjeven som ei påskjøning i høve det eldre bidreg til i samfunnet 4.Pris for god tilgjenge er ein pris som omhandler tilrettelegging for menneske med nedsett funksjonsevne.
<b>Øygarden kommune</b>	<b>4 prisar</b> 1.Folkehelsepris 2.Frivilligpris 3.Kulturpris 4.Tilgjengepris	4.Pris for god tilgjenge er ein pris som omhandler tilrettelegging for menneske med nedsett funksjonsevne.
<b>Voss kommune</b>	<b>2 prisar</b> 1.Highland staupet – (ski) 2.Kulturpris	Highland staupet: Pokalen er gjeven av Hr. Andrew Highland for utdeling til den idrettsmann eller kvinne som ved avslutta sesong har synt best prestasjoner på ski.
<b>Askøy kommune</b>	<b>4 priser</b> 1.Kipekjerringa (kulturpris) 2.Askøybragden idrett 3.Askøybragden kultur 4.Frivilligpris	<b>Askøybragden</b> <u>Idrett:</u> Utmerkinga vert delt til den idrettsutøvar som har utført årets beste prestasjon, uansett idrettsgrein.  <u>Kultur:</u> Utmerkinga vert delt ut til den utøvar som har utført årets beste kultur prestasjon, uansett sjanger.
<b>Sunnfjord kommune</b>	<b>1 pris</b> 1.Kulturpris	Kulturpris til kulturaktørar og – personar, innanfor det utvida kulturomgrep.

### Må ein vere busett i Alver?

Det er viktig å drøfte om det berre er aktørar busett i Alver kommune som kan vere aktuelle for pris, eller om aktørar busett utanfor Alver kommune, men med sitt virke i kommunen, kan vere aktuelle.

Aktørar innan kultur, idrett og frivilligheit busett i Alver kommune eller som har sitt virke i Alver kommune, kan også vere aktuelle kandidatar til pris. Ein må også ta stilling til om personar, lag eller institusjonar utanfor kommunen, som har bidratt til å gjere Alver kommune kjend utover landet på den kulturelle plan, vil kunne bli vurdert til pris.

Rådmannen har vurdert fire løysingar:

#### **Alt 1: Tre prisar - kulturpris, idrettspris og frivilligheitspris**

**Forslag:** Ein kulturpris

Ein idrettspris

Ein frivilligpris

Innføring av tre prisar innan kultur, idrett -og frivilligheit vil vere eit tydeleg signal om at innsats innan alle tre område er like viktige. Dette alternativet vil stå fram som ei løysing der dei tre prisane er sidestilte.

Dei tre nemnde prisane vil vere ein påskjønning for innsats og vere ein inspirasjon for andre innan dei tre områda.

I situasjonar der einskild person, lag eller institusjon utmerka seg med særleg resultatoppnåing, vil denne løysinga ikkje gje rom for ekstraordinær anerkjenning.

#### **Alt 2: Overgripande kulturpris**

**Forslag:** Overgripande kulturpris som famnar aktørar innan kultur, idrett og frivilligheit

Idrettspris

Frivilligpris

Om kulturpris står fram som Alver samfunnets høgaste utmerking, vil alle innan kultur, idrett og frivilligheit vere aktuelle for prisen. Kulturprisen vil tydeleg representere den største anerkjenning Alver kommune kan gi for innsats innan kultur, idrett og frivilligheit. Kulturpris vil vere open for forslag frå alle lag/organisasjonar som jobbar innan den utvida kulturomgrepet.

Frivilligpris og idrettspris skal påskjønne innsats/målloppnåing innan frivilligheit og idrett. Kulturpris skal påskjønne innsats/målloppnåing innan kulturfeltet, men kan også nyttas til å påskjønne ekstraordinær innsats/målloppnåing innan idrett og frivilligheit. Kulturprisen vil då fungera som Alver kommune si høgaste utmering innan det utvida kulturbegrep.

I praksis vil denne løysinga kunne medføre at aktørar innan idrett eller frivilligheit kan bli tildelt både kulturpris og idrettspris/frivilligpris same år. Aktørar innan kulturområdet kan oppleve dette som ein slags nedvurdering av deira innsats, at dei ikkje har ein eige pris slik som idrettspris og frivilligpris.

#### **Alt 3: Ein felles pris for det utvida kulturbegrep**

**Forslag:** Felles kulturpris som famnar det utvida kulturomgrep

I dette alternativet ser ein på kulturpris som famnar det utvida kulturomgrepet – kultur, idrett og frivilligheit.

«Et utvidet kulturbegrep omfatter både det 'tradisjonelle' området: litteratur, kunst og kulturvern, ungdomsarbeid og idrett, men dertil også skapende fritidsvirksomheter som kan gi utfoldelse av egne anlegg og interesser.

Sitat: «Ny kulturpolitikk. Tilleggsmelding til Stmeld nr 8. Stortingsmelding nr. 52»

Ein felles pris for området kultur, idrett og frivilligheit vil tydeleggjere betydninga av prisen. Ulempa med dette er at det kan vere vanskeleg for små lag/organisasjonar å nå fram i konkurransen med store, kjende aktørar. Dette er ein problemstilling som jury for prisen vil kunne ta omsyn til.

#### Alt 4 Kulturpris og frivilligpris

**Forslag:** Kulturpris som famnar kultur og idrett  
Frivilligpris

Ein kulturpris skal gå til einskildpersonar, institusjonar eller organisasjonar som har utmerka seg ved framifrå innsats innan det utvida kulturomgrep. Prisen skal vere Alver kommune sin høgst hengjande pris for innsats over lang tid.

I tillegg til kulturpris, tilrår rådmann ein frivilligpris. Frivilligpris handlar om å inspirere innbyggjarane til auka frivillig innsats samt sette fokus på frivillig aktivitet sin betydning for kommunens innbyggjarar.

Frivilligheit finn vi innan m.a. kultur, idrett og humanitært arbeid.

Ein eige pris for frivilligheit vil understreke betydninga av frivilligheitas eigenverd.

Det er ingen automatikk i at talet på priser førar til meir aktivitet eller entusiasme. Saka handlar om å velje den beste løysinga som kan påskjønne innsatsen innan kultur-, idrett- og frivilligheit.

#### Innkome høyingsuttale

Det er kome 7 høyingsuttale.

#### Alversund mållag

I høyingsfråsegn datert 24.02.21 skriv Alversund mållag;

«Tre jamstilte prisar er eit gode, då det ikkje vektar innsats på eitt felt opp mot eit anna. Alver kommune vil gjennom sjølve markeringa og gjennom grunngjevingane stadfesta den statusen prisane skal få.»

#### Alversund kammerkor

I høyingsfråsegn datert 08.03.21 skriv Alversund kammerkor;

«Alversund kammerkor støttar alternativ 1 frå rådmannen: Alt 1: Tre prisar -kulturpris, idrettspris og frivilligheitspris»

#### Alver kulturråd

I høyingsfråsegn datert 25.09.20 skriv Alver kulturråd;

«Styret i Alver kulturråd er nøgd med at dei som mottar kommunal utmerking ikkje berre kjem frå det som er kulturrelatert og idrettsrelatert aktivitet. Det er viktig at kandidatar frå alle samfunns sektorar kan bli heidra, som til dømes innan religiøst arbeid, helserelatert arbeid, humanitært arbeid og seniorarbeid. [...] Styret i Alver kulturråd meiner at rangering av prisane er ein vanskeleg veg å gå. Då vil ein vekte frivillig aktivitet mot ein annan frivillig aktivitet. Styret er difor nøgd med at prisane har likelydande statuttar, premie og jury.»

Alver kulturråd held fast ved denne vurderinga. Tre likeverdige prisar utan skilje i status vil gje det beste høvet til å påskjøna den samla frivillige innsatsen i Alver kommune.

#### Alver idrettsråd

I høyingsuttale datert 19.03.21 skriv Alver idrettsråd

«Framlegg til uttale: Alver idrettsråd vil rá til at det vert oppretta 4 prisar i Alver kommune:

1. Kulturprisen, 2. Frivilligprisen, 3. Kulturstipend, 4. Idrettsstipend

**Grunngjeving:**

## **1. Kulturprisen**

Kulturprisen skal vera Alver kommune si høgaste utmerking og ei anerkjenning for framifrå innsats innan kultur, idrett eller frivilligheit over lang tid.

Kulturprisen skal vera sett saman av ein diplom og eit kunstverk, fortrinnsvis av ein lokal kunstnar.

## **2. Frivilligprisen**

Frivilligprisen skal vera ein pris for særleg frivillig innsats innan kultur, idrett, humanitært arbeid eller helse over fleire år. Prisen omfattar såleis frivillig innsats både innan og utanfor «det utvida kulturfeltet»

Frivilligprisen skal vera sett saman av ein diplom og eit pengebeløp.

## **3. Kulturstipend**

Kulturstipendet skal vera ei påskjøning til utøvarar/ledere som i året har synt gode talent/resultat innan kultur, uansett sjanger.

Kulturstipendet skal vera sett saman av ein diplom og eit pengebeløp avgrensa til kr. 30.000,- Det kan delast ut inntil 3 stipend årleg

## **4. Idrettsstipend**

Idrettsstipend skal vera ei påskjøning for utøvarar/trener/leder/dommer som i året har synt gode talent/resultat innan idrett, uansett idrettsgrein .

Idrettsstipendet skal vera sett saman av ein diplom og eit pengebeløp avgrensa til kr. 30.000,- Det kan delast ut inntil 3 stipend årleg.»

### **Nordhordland turlag**

I høyringsuttale datert 19.03.21 skriv Nordhordland turlag;

«*Turlaget foreslår at kommunen har ein kulturpris, dvs. ein pris som i saksutgreiinga omtalast som overgripande kulturpris som famnar alle organisasjonar. Denne vil henge høgt og truleg verte tildelt for «lang og tru teneste». Det skal vere ei stor anerkjenning å få ein slik pris.*

Ein kulturpris i vid forstand bør opprettast. Den vil truleg vert ein «heiderspris» for langvarig innsats. Ein Frivilligpris kan gjerne verte tildelt lag eller personar som har bidrige på viktige område i eit mykje kortare tidsperspektiv.»

### **Meland helselag**

I høyringsuttale datert 17.03.21 skriv Meland helselag;

«Styret i Meland Helselag vil prinsipielt tilrå at det vert oppretta 3 årlege prisar: «Det bør vera tre prisar i ein kommune med 30.000 innbyggjarar: ein kulturpris, ein idrettspris og ein friviljugpris»

### **Nordhordland Rotary**

I høyringsuttale motteke 12.03.21 skriv Nordhordland Rotary;

«Nordhordland Rotaryklubb har ikkje ei samla meinung om kva modell som kan vera den kommunen bør gå for, men klubben har sidan 1991 hatt sin eigen pris – Kvardagshelten – som vi vonar kan vera nyttig for kommunen å ha kjennskap til i den pågåande prosessen.»

### **Kommentar**

Det er knytt lange tradisjonar til kulturlivet i Alver gjennom mange generasjonar, både det tradisjonelle kulturliv og det som omfattast av det utvida kulturomgrep. Mange frivillige legg ned eit stort arbeid kring i alle bygdene, gjennom idrett-, kultur-, kyrkje- og humanitært arbeid. Til saman bidreg dei alle til at Alver kommune er eit godt sted å leve.

Alle som har sendt høyringsuttale skriv at dei sett pris på at Alver kommune ønskjer å anerkjenne dette

arbeidet gjennom tildeling av prisar.

#### **Dei som støttar rådmann sitt forslag nr 1**

Det kan synes som om fleirtalet av dei innsendte høyingsuttale ønskjer at det vert innført tre prisar; kulturpris, idrettspris og frivillegpris – Alversund mållag, Alversund kammerkor, Alver kulturråd og Meland helselag.

Alver kulturråd, som representerer 46 lag/organisasjonar, skriv at *Styret i Alver kulturråd meiner at rangering av prisane er ein vanskeleg veg å gå. Då vil ein vekte frivillig aktivitet mot ein annan frivillig aktivitet. Styret er difor nøgd med at prisane har likelydande statuttar, premie og jury.*

#### **Dei lag/organisasjonar som støttar forslag 4 – kulturpris og frivilligpris**

Det synes som at Alver idrettsråd støttar rådmann sitt forslag nr 4. Idrettsrådet representerer meir enn 40 lag, og tek til orde for at «*kulturprisen skal vera Alver kommune si høgaste utmerking og ei anerkjening for framifrå innsats innan kultur, idrett eller frivillighet over lang tid. Frivilligprisen skal vera ein pris for særleg frivillig innsats innan kultur, idrett, humanitært arbeid eller helse over fleire år. Prisen omfattar såleis frivillig innsats både innan og utanfor «det utvida kulturfeltet».* Idrettsrådet tek også til orde for kultur- og idrettsstipend. Denne ordninga blei innført i 2020.

Nordhordland turlag skriv i si høyingsuttale at ein kulturpris som famnar alle lag/organisasjonar, vil vere eit høgt hengjande pris for «lang og tru teneste». I tillegg til kulturpris, ønskjer laget ein frivilligpris til lag/organisasjonar som har bidrige på viktige område i eit mykje kortare tidsperspektiv.

#### **Konklusjon**

Etter gjennomgang av høyingsdokument, tilrår rådmann alternativ 4 – Kulturpris og frivilligpris.

#### **Vedlegg i saken:**

16.04.2021	Statuttar for kulturpris og frivillegpris i Alver kommune	1545128
09.04.2021	Alversund kammerkor	1540250
09.04.2021	Alversund mållag	1540251
09.04.2021	Meland helselag	1540254
09.04.2021	Nordhordland Rotaryklubb vedlegg 1 Kvardagshelter	1540255
09.04.2021	Nordhordland Rotaryklubb	1540257
09.04.2021	Nordhordland turlag	1540258
09.04.2021	Alver idrettsråd	1540247
12.04.2021	Alver kulturråd	1540248